



A: Bosna i Hercegovina
Federacija Bosne i Hercegovine
Zeničko-dobojski kanton
OPĆINA TEŠANJ
OPĆINSKI NAČELNIK
Trg Alije Izetbegovića 11, 74260 Tešanj

Broj: 03-14-7-3610/12

Datum: 12.12.2012. godine

Na osnovu člana 30. Statuta Općine Tešanj ("Službeni glasnik Općine Tešanj" broj 11/07)
Općinski načelnik upućuje:

JAVNI POZIV
za kandidovanje projekata udruženja i fondacija
koje će finansirati Općina Tešanj u 2013. godini

1. Pozivaju se udruženja i fondacije, koja su registrovana u BiH ili u F BiH sa sjedištem ili aktivnostima na području općine Tešanj, da kandiduju projekte koji bi se finansirali od Općine Tešanj za 2013. godinu.

2. Uslovi za korištenje sredstava Općine Tešanj su:

- a) Da se projekat djelimično ili u cijelosti implementira na prostoru općine Tešanj;
- b) Da je projekat usmjeren na realizaciju ciljeva iz strateških dokumenata Općine.

3. Projekti moraju biti napisani na predviđenom obrascu, koji se može preuzeti na web stranici Općine www.opcina-tesanj.ba, moraju biti precizni, konkretni i jasni i sadržavati sve elemente koji bi mogli potvrditi njihovu praktičnu i društvenu opravdanost i efekte. Pored toga prijava mora sadržavati:

- a. Rješenje o upisu u registar udruženja i fondacija (koje nije starije od godinu dana);
- b. Identifikacioni broj iz registra poslovnih subjekata;
- c. Dokaz da je organizacija obezbijedila dio sredstava iz drugih izvora za program ili projekat koji se sufinansira, ili izjava ovlaštenog lica da udruženje ili fondacija nije dobila sredstva od drugog donatora za dio projekta ili programa koji se kandiduje za finansiranje.

4. Uz projekte obavezno dostaviti finansijski i izvještaj o radu za 2012.godinu, na propisanom obrascu, bez kojeg se neće razmatrati zahtjevi za sredstva u 2013. godini. Ostali eliminatorni kriteriji su:

- a) Nedostatak formalnih uslova za kandidovanje programa ili projekta (nepotpuna, netačna ili neblagovremena prijava);
- b) Aktivnosti predviđene projektom već postoje.

5. Kriteriji za ocjenu projekata sadržani su u odlukama Općinskog vijeća. Jedan aplikant može podnijeti maksimalno tri prijave po ovom javnom pozivu.

6. Krajnji rok za prijavu projekata je **18. januara 2013.** godine. Projekti se podnose u zatvorenoj koverti sa naznakom "KOMISIJI ZA OCJENU PROJEKATA UDRUŽENJA I FONDACIJA" na adresu: Služba za društvene djelatnosti, komunalne poslove i ekologiju Općine Tešanj, Trg Alije Izetbegovića 11., 74260 Tešanj.

7. Za sva udruženja i fondacije koja se žele dodatno informisati bit će organizovan Dan otvorenih vrata, **u petak 4. januara 2012. godine u 16,00 sati u sali Općinskog vijeća Tešanj.** Osim predstavljanja javnog poziva, bit će omogućeno da se postavljaju pitanja u vezi pripreme prijava i aplikacija.

Dostavljeno:

1. Mediji
2. Oglasna ploča
3. Arhiva

OPĆINSKI NAČELNIK
Mr.sci. Suad Huskić, profesor
